



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Qvæstio XIII. Papæ, Conciliorum, & Ecclesiæ respectus mutuus equalis  
fuit?

**urn:nbn:de:hbz:466:1-35233**

VIII. Vetatur ibi solennitas secundarum nuptiarum; item bigamis negabant quidam rigide communionem; illos ibi corrigit Concilium.

### QVÆST. XIII.

*Papa, Conciliorum, & Ecclesia respectus mutuus equalis fuit?*

I. **C**ONCILIA Generalia possunt errare, 1. vel ante Confirmationem eorum à Papa factam. 2. Vel si definiant dissentientibus Legatis Apostolicis. 3. Aut consentientibus; sed Instructionem Papæ non sequentibus. Sic erravit Ephesinum II. & Constantinopolitanum tempore Nicolai I. Papæ. Idcirco & reprobata sunt: nam esse legitima nequeunt, quæ suo cum Capite pugnant.

4. Aut consentientibus Concilio Legatis; sed nullam habentibus à Papa Instructionem. 1. Quia Concilia non habent ultimum iudicium; cum Papæ semper fuerit ea vel adprobare, vel reprobare. 2. Infallibilitas autem ac firmitas nascitur ex consensione Corporis cum Capite. Unde iudicatur errasse Conc. Basiliense statuendo, Concilium esse supra Papam. 3. Neque absolutè censetur Generale, aut Absolutum, cui abest Caput, Capitisque consensus.

II. Sed interest ab ovo repetere quaestionem: *Sitne Concilium supra Papam?*

1. Sub annum 1510. in schismate Gregorij XII. & Benedicti XIII. aucto etiam per Concilium Gen. Pisenum, digressi Pisani Cardinales tractare cœperunt; An, vel inuitis Papis, liceret sibi Concilium Gen. conuocare, & Papis deponere?

2. Sub annum 1416. Ioanne XXIII.

clam à Concil. Constantiensi digressis, istud tractauit; An possit Papam iudicare, & deponere?

3. Sub annum 1433. studente Eugenio IV. dissoluere Conc. Basiliense; hoc tractauit: An tenerentur Patres obedire Papæ; an hic illis? præsertim visis, quod in Constantiensi Conc. Gregorius XII. & Ioan. XXIII. se abdicassent, & depositus esset Benedictus XIII. metuentes renouari schisma; ideo senserunt multum, Concilium esse supra Papam. Sed remoturi schisma, grauius pepererunt, creando Felicem V. Papam: qui dein errore cognito, se ipse abdicauit.

4. Sub annum 1439. eandem quaestionem non sat expressè videtur definisse Conc. Florentin.

5. Sub ann. 1512. Conc. Lateranense vltimum eam expressè decidit: sed id nonnullis non videtur verè Generale fuisse:

Idcirco quaestio eadem hodieque remanet inter Orthodoxos. At potior est sententia; *Papam esse supra Concilium Generale*: apud Bellarm. l. 2. de Conc. c. 17. 18. & mea *Luthero Calumnistica* p. 2. q. 32.

INSTANT I. Marcellinus est in Concil. Sinuesiano damnatus, & depositus. II. Post Melchiodis sententiam iudicauit Episcopus Arelatensis. 3. Liberium d. posuit, & resituit Imperator. 4. S. Leonis epistola est in Concilio Chalcedonensi examinata. 5. Christus dixit: *Dic Ecclesia*; non Papæ: Ergo hic illi deferre debet, vti Membrum, quod minus est Corpore. 6. Conc. Constantiense definiit; Conc. Generale habere à Christo immediatam autoritatem, cui parendum. 7. Conc. Basiliense definiuit, Concilium esse supra Papam.

DICO Ad I. Marcellinus fuit in schisma accusatus de Actu infidelitatis: de quo Infideli

deli declarat Concilium eum esse extra Ecclesiam. Et is se prius ipse damnarat, & abdicarat.

Ad II. Ita est; permittitque Donatistis Imperator importunis, spe eorum respicientiæ.

Ad III. Arianus id tyrannicè fecit.

Ad IV. M sit Leo epistolam instructoriam; non ultimæ sententiæ definitivam.

Ad V. Ecclesia est Cœtus fidelium Cum, non Sine, Capite. Neq; tunc Petrus erat Pontifex, cum id ei dicebatur. Est autem membrum minus corpore, & potestatem; quibus cor & caput præstant; Spiritus sancti Assistentia & Papa.

Ad VI. Definijr, non habere absolutè maiorem; sed in casu schismatis, cum nescitur verus Papa. Dein, id definiens tertia solum pars erat Concilij, non totum: & contra illos fauentes Ioanni, statuerunt cæteri fauentes Gregorio, & Benedicto. Et Martinus V. non confirmavit illud decretum tertiæ partis. Et in schismate Concilium potest definire, quis sit verus Papa.

Ad VII. Id legitime fuit inchoatum; at non legitime finitum. Et Nicolaus V. solum confirmavit Acta de Beneficijs, & Censuris: illud de Concilio supra Papam is non adprobavit; & successores reprobarunt.

III. ECCLESIA non potest deficere. Vide *Luthero-Caluinistica* p. 2. q. 37.

INSTANT. Conc. Basil. Generale deposuit Eugenium, ut hereticum, cum sequacibus, substituto Felice V. Dein finito Concilio Eugeniū restituit sine electione: Ergo tunc visibilis Ecclesia non fuit vera, aut erravit.

II. Sub annum DC. Papa est apertè muta-

tus in Antichristum, cum à Phoca dici Caput Episcoporum cœpit; accepitq; Pantheon Romæ; & incepit Inuocationem Sanctorum.

Dico Ad I. Id initio fuit legitimum, ut cui per Legatum præfederit Papa: at postea deponens Eugenium, erat Conciliabulum, non Concilium: unde Eugenius permansit Papa. 2. *Dein*, eodem tempore Florentino Concil. Generali præsidebat Papa Eugenius, in quo erant Latini, Græciq; Patres pene innumeri. 3. *Demum*, & Deus iudicauit, peste ple-rosq; Episcopos Basileæ extinguendo.

Ad II. At post Phocam est celebratum Concil. Gen. Constantinopol. III. quod Luthero-Caluinistæ maximi faciunt, utq; Sanctum recipiunt. 2. *Dein*, ante Phocam annis ferè 100. Iustinianus Imp. vocauit Papam *Caput Ecclesiarum*; Anteq; hunc, Concil. Chalcedonense. 3. Adhæc, Antichristus pugnabit contra omnes Deos: *Dan. 11.* Ergo. Pantheon aperiens Papa omnibus Sanctis colendis, non est Antichristus. 4. Sanctorum tamen cultus & Inuocatio longè fuit antè celebratissima.

QVÆST. XIV.

*Ecquid iuris ac Moris fuit antiqui circa STATVS Sacros?*

DE hoc plurima paucis in meis *Luthero-Caluinisticis* par. 2. q. 41. 42. &c.

I. IVS ORDINANDI Pastores nunquam pertinuit ad Populum; sed ad Episcopos solos: teste S. Scriptura in meo *Antichristo* p. 2. q. 13. Ita Canon Apostolorum: & Concil. Nicænum I. can. 4. Carthaginense II. can. 12. &c. Sic & S. Patrum perpetuus Consensus, negans licitum Presbyteris ordinare Episco-

H 3 pos

pos aut Præsbyteros; quanto minus licuit Laicis? Neq; exemplum proferri potest ex vlla retrò memoria. Quocirca, cum *Ecclesia* sit, ait S. Cyprianus lib. 4. epist. 9. *Plebs Episcopo adunata, & Pastori suo Grex adherens*: veram Ecclesiam non habent, qui veros Episcopos & Pastores non habent; vbi Lutherò-Caluinistæ.

INSTANT ex Caluino Inst. 4. c. 3. §. 4. Ecclesiã constitutã non nisi Pastores à Pastoribus ordinandos esse. Cum autem collapsa reformatur, tunc solere Deum excitare viros Dei ad idem munus.

DICO. Constituta semel à Christo Ecclesia collabi nequit: nam *porta inferi non preualebunt* fundatæ supra Petram: nil igitur eget nouis Apostolis.

II. IUS ELIGENDI Pastores non est penes Populum vllò iure: Fuit tamen olim ex cõnientia Pontificũ: 1. At hanc vetuit Conc. Laodicenum I. can. 1. Nycenum II. can. 3. Constantinopolitanũ IV. can. 28. 2. Ita nec vel sciente populo creauit Indis S. Frumentium S. Athanasius: Epiphanius Paulinianum Presbyterum cuidã monasterio: S. Gregorius Anglis S. Augustinum; Germanis S. Bonifacium, &c. 3. Enimvero sic factitatum Apostolicis temporibus: Deinde cæptus iensim populus adhiberi testis de moribus ac vita eligendi; vtq; electus eo gratior esset plebi. Hæc permissio demum vergebat in ius suffragij, diu toleratum, cum multiplici cõfusione; hoc ei ius ademptum est, relicto testimonio de moribus. Vnde hodieq; Ordinationes fiunt publicè in templis.

INSTANT. S. Cypr. l. 1. epist. 4. *Plebs ipsa habet potestatem, vel eligendi dignos Sacerdotes, vel indignos recusandi*. Sic & Conc. Nycænum: alijq; Patres.

II. Illyricus ait: Mos & ius populi in eligen-

dis ministris sacris durauit vsq; ad annum 1290. ex eo delijt.

DICO Ad I. S. Cyprianus subdit: *Quod videmus de diua Autoritate descendere, vt Sacerdos plebe prasente, sub omnium oculis deligatur, & dignus ac idoneus publico iudicio & testimonio probetur*. Docetq; exemplis Eleazari, Num 20. Matthiæ, Act. 1. VII. Diaconorum, Act. 6. At exempla non faciunt rem esse Iuris Diuini; sed præcepta Dei. Deinde: *Ista Patrum & Nicæni loca docent, duo: 1. Populo fuisse morem testandi de moribus: 2. Morem, non Ius Diuinum, etiam Eligendi: irrepisseq; in hunc ex illo.*

Ad II. Falsum fingit. Nam solos Canonicos elegisse, &c. testatur Alexander III. Papa ante 400. annos, & Concilium Generale VII. ante 700. Sepri- mũ ante 800. Martinus Papa ante 900. annos. Conc. Laodicenum ante 1200. annos, &c. vetuerunt ne electionem v- surparet populus; sed testationem solã. Episcoporum electio ad Papam pertinet Iure Diuino; ad Clerum, Positio. De Numero & Officijs Sacrorum Ordinum in meis Lutherò-Caluinistis part. 2.

III. COELIBATVS est Iure Apostolico additus S. Ordinibus; non Diuino: Est proinde dispensabilis. Dein, Concilia eum sanxierunt antiquissima, ac Pontifices, vt S. Clemens can. 27. &c.

INSTANT I. Nicæno Conc. ferente legem Cœlibatus, Paphnutius postulauit, liceret iam vxoratis vt vxoribus: eiq; assensit Concilium.

II. Papis contrarium sancierunt Concilia Gangrense, Synodus VI. Carthaginense V. &c.

III. Epistola S. Valrici ad Nicolaum Papam prodit. S. Gregorium I. Cœlibatum indixisse; deinde

deinde in piscina sua 6000. capitum infantium reperta: ideoq; legem eum reuocasse.

DICO Ad I. S. Greg. l. 6. epist. 31. ait, *Solomonus multa mentitur*: itemq; & Socrates; qui fabulam eam ferunt. 2. Pugnat ea cum Epiphanio & Hieronymo, qui afferunt in Oriente & Ægypto illicitum Sacerdotibus & Diaconis vti vxoribus. 3. Idem Conc. Nicenum can. 3. prohibet Episcopis, Presbyt. Diaconis, ne foeminae cohabitent, nisi matri, sorori, amitæ. 4. Nullus veterum scripsit, quod illi duo.

Ad II. Gangrense damnat fingentes matrimonio abstinendum, vt malo ex se. Canones Synodi VI. non sunt adprobati. Carthaginense vetuit eis vxorum vsum, teste Aug. lib. de adulterinis, c. 20. qui interfuit Concilio.

Ad III. Eadem epistola dicit, Papam esse Summum Caput omnium; quod negant Sectarij. Item Papam debere Clerum cogere, ne ducant vxores.

3. Tempora discordant: nam S. Vdalricus creatus est Episcopus anno 903. & Nicolaus Papa obiit anno 867. ficta igitur est epistola.

IV. De MONASTICES origine vide in meis *Luthero-Caluinisticis* p. 3. q. 53. &c.

Atque hæc potiora ferè sunt capita, quæ Nouatores mouerunt non mouenda, ex historia Ecclesiastica: Similia quidem plura iniiciunt passim ex historijs repetita; sed ea licet asti-

mare ex præmissis.

\* \*  
\*

DEO, Deipara, Diuisq; Cœlitibus Gloria.

F

I N I

S.



